

ԿԱՆՈՆԱԴՐՈՒԹԻՒՆ

2-4196a

ԿՈՎԿԱՍԻ

ՀԱՅՈՑ ՀՐԱՏԱՐԱԿՉԱԿԱՆ

ԸՆԿԵՐՈՒԹԵԱՆ

Թ Ի Յ Լ Ի Ս

ԷԼԵՔՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆՅԻ. ՊՕԼԻՑ

1910

655

4-21

Արմ.
12-41962

655

4-21

24 SEP 2010

Թիֆլիսի նահանգական՝ Ընկերութիւն-
ներէ վերաբերեալ Ատեանի օրագրական
որոշմամբ 1909 թ.ի դեկտեմբերի 17-ին
«Կովկասի Հայոց Հրատարակա-
կան Ընկերութիւնը» մուծած է մա-
տեանի մէջ 134 համարի տակ, այս կա-
նոնադրութիւնը հաստատած է և յի-
շեալ Ընկերութեան գործունէութիւնը
սկսելու համար ոչ մի արդելք չըկայ:

Նահանգապետի փոխարէն՝
Փոխ-նահանգապետ Ա. ՉերէնԱխԿի
1910 թ. յունւարի 13.

ԿԱՆՈՆԱԴՐՈՒԹԻՒՆ ԿՈՎԿԱՍԻ ՀԱՅՈՑ ՀՐԱՏԱՐԱԿԱԶՍԿԱՆ ԸՆԿԵՐՈՒԹԵԱՆ

ԸՆԿԵՐՈՒԹԵԱՆ ՆՊԱՏԱԿ

§ 1. Կովկասի Հայոց Հրատարակչական Ըն-
կերութիւնը հիմնուած է Թիֆլիսում՝ լուսաւորու-
թիւն տարածելու նպատակով: Այդ նպատակը իրա-
գործելու համար Ընկերութեանը, համապատաս-
խան դէպքերում պատշաճաւոր թոյլտուութեամբ և
այս առարկային վերաբերեալ գործող օրէնքների և
պետական առանձին կարգադրութիւնների պահ-
պանութեամբ, թոյլ է տրուում՝

ա) հրատարակել հայերէն լեզուով ինքնորոյն
և թարգմանական ամեն տեսակ գրքեր, քարտէզներ:

ՄԻՅ. № 21565

24.05.2013

պատկերներ և տպագրական ուրիշ գործեր, բ.) տարածել թէ սեփական և թէ ուրիշների հրատարակութիւնները, բանալով Թիֆլիսում և Կովկասի ուրիշ վայրերում գրքերի պահեստներ և գրախանութներ, նոյնպէս և շրջիկ գրավաճառներէ՝ օգնութեամբ և այլ միջոցներով:

ԸՆԿԵՐՈՒԹԵԱՆ ԻՐԱՒՈՒՆՔՆԵՐԸ

§ 2. Ընկերութիւնը իրաւունք ունի անշարժ գոյք ձեռք բերելու և առհասարակ օժտւած է իրաւական անձի բոլոր արտօնութիւններով:

§ 3. Ընկերութիւնը իրաւունք ունի մրցանակներ նշանակելու հայերէն լաւագոյն գրւածքների համար:

§ 4. Ընկերութիւնը իրաւունք ունի, պատշաճաւոր թոյլտուութեամբ, հրատարակել նաև պարբերական հրատարակութիւններ:

§ 5. Ընկերութիւնը ունի կնիք՝ «Կովկասի Հայոց Հրատարակչական Ընկերութիւն» մականգրով:

ԸՆԿԵՐՈՒԹԵԱՆ ԿԱԶՄԸ, ԱՆԴԱՄՆԵՐԻ ԻՐԱԲՈՒՆՔՆԵՐՆ ՈՒ ՊԱՐՏԱԿԱՆՈՒԹԻՒՆՆԵՐԸ

§ 6. Ընկերութիւնը կազմւած է ա) պատւաւոր, բ) մշտական, գ) իսկական և դ) աշխատակից անդամներից: Անդամ կարող են լինել երկու սեռի անձինք: Անդամների թիւը սահմանափակւած չէ:

Ծանոթ. Ընկերութեան անդամ լինել չեն կարող՝ ա) անչափահասները, բ) իսկական ծառայութեան մէջ գտնւած զինուորներն ու իւնկերները, գ) աշակերտները և դ) դատարանով իրաւունքից զրկւածները:

§ 7. Պատւաւոր անդամ ընտրւում են Ընկերութեանը առանձին ծառայութիւն մատուցած կամ Հայոց գրականութեան և Հայոց հրատարակչական գործի մէջ իրենց գործունէութեամբ յայտնի անձինք:

§ 8. Մշտական անդամ կարող են լինել Ընկերութեան օգտին միանւագ առնւադն 75 թ. վճարողները:

§ 9. Իսկական անդամ կարող են լինել տարեկան երեք բուքի վճարողները:

§ 10. Աշխատակից անդամ ընտրւում են մէկ տարով այնպիսի անձինք, որոնք իրենց աշխատանքով և գիտութեամբ կարող են նպաստել Ընկերութեան նպատակներին:

§ 11. Պատւաւոր անդամներին ընտրւում է Ընդհանուր ժողովը՝ զաղտնի քվեարկութեամբ, Վարչութեան կամ Ընկերութեան Թիֆլիսում բնա-



39769-63

կող անդամների $1/10$ մասի առաջարկութեամբ: Իսկ մնացեալ անդամներին ընդունում է Վարչութիւնը Ընկերութեան որևէ անդամի առաջարկութեամբ: Բոլոր տեսակի անդամները հաւասար իրաւունքներ ունեն:

§ 12. Պատւաւոր և աշխատակից անդամների համար պարտաւորեցուցիչ է անդամավճար վճարելը: Այն իսկական անդամները, որոնք առաջին կիսամեակում չեն վճարել անդամավճարը, հեռացած են համարւում Ընկերութիւնից, մինչև անդամավճարը վճարելը: Ընդհանուր ժողովին իսկական անդամներից կարող են մասնակցել նրանք, որոնք վճարել են անդամավճարը:

§ 13. Ընկերութեան բոլոր անդամները իրաւունք ունեն ամեն տարի ձրիաբար ստանալ Ընկերութեան հրատարակութիւններից երեք րաբժողութեամբ գրքեր և այլն:

ԸՆԿԵՐՈՒԹԵԱՆ ՄԻՋՈՑՆԵՐԸ

§ 14. Ընկերութեան միջոցները բաղկացած են՝

ա) անդամավճարներից.

բ) § 1-ի մէջ յիշւած Ընկերութեան նպատակների իրագործումից ստացւած գումարներից.

գ) դրամագլխի տոկոսներից և Ընկերութեան

պատկանած անշարժ ու շարժական գոյքերի և կամուտներից.

դ) նւիրաբերութիւններից.

ե) յօգուտ Ընկերութեան, ամեն մի առանձին դէպքում պատշաճաւոր թոյլտուութեամբ, կարդացւած դասախօսութիւնների, տւած համերգների, ներկայացումների, երեկոյթների, դրօսանքների և ամեն տեսակ ուրիշ զւարճութիւնների արգիւնքից:

§ 15. Ընկերութեան գումարներն են՝

ա) ընթացիկ,

բ) պահեստի և

գ) յատուկ:

§ 16. Ընկերութեան այս կամ այն նպատակի իրագործման համար նւիրւած յատուկ գումարի գործադրութիւնը կարող է փոխել միմիայն նւիրաբերողի հաւանութեամբ. իսկ կտակած գումարների նպատակը մնում է անփոփոխ:

ԸՆԿԵՐՈՒԹԵԱՆ ԳՈՐԾԵՐԻ ՏՆՕՐԻՆՈՒԹԻՒՆԸ

§ 17. Ընկերութեան գործերը վարւում են Թիֆլիսում գործող. 1. Ընդհանուր ժողովը, 2. ա) Վարչութիւնը, բ) Խմբագրական և գ) Վերաստուգիչ մասնաժողովները:

1. ԸՆԴՀԱՆՈՒՐ ԺՈՂՈՎ

§ 18. Իւրաքանչիւր տարի, ապրիլ ամսից ոչ ուշ, Վարչութիւնը հրաւիրում է Թիֆլիզում հերթական Ընդհանուր ժողով, որի զբաղման առարկաներն են՝ ա) ընկերութեան նախընթաց տարւայ գործունէութեան և դրամական դրութեան ընդհանուր հաշիւ, նոյնպէս և առաջիկայ տարւայ նախահաշիւ հաստատութիւնը, բ) պաշտօնավար անձանց ընտրութիւնը, գ) պատւաւոր անդամների ընտրութիւնը, և դ) Վարչութեան և Ընկերութեան առանձին անդամների առաջարկների քննութիւնը:

§ 19. Արտակարգ Ընդհանուր ժողովներ գումարւում են՝ ա) Վարչութեան հայեցողութեամբ, բ) Վերահստողիչ մասնաժողովի պահանջմամբ և գ) Ընկերութեան 20 անդամների՝ Վարչութեանը տւած գրաւոր յայտարարութեամբ:

§ 20. Ընդհանուր ժողովները հրաւիրւում են յայտարարութիւններով տեղական լրագիրներում, նիստից առնւազն մէկ շաբաթ առաջ:

§ 21. Ընդհանուր ժողովը կայացած է համարւում, եթէ ներկայ է Թիֆլիսում եղած անդամների $\frac{1}{5}$ մասը, բացի այն դէպքերից, երբ քննւում է Կանոնադրութեան փոփոխութեան և Ընկերութեան գործունէութիւնը դադարեցման խնդիրը, որպիսի գործերը վճեկու համար

անհրաժեշտ է առաջին նիստում Թիֆլիս եղած անդամների $\frac{2}{3}$ մասի ներկայութիւնը: Իսկ եթէ այդքան անդամներ ներկայ չըլինելու պատճառով՝ Ընդհանուր ժողովը չի կայանում, միևնոյն խընդիրների քննութեան համար մի շաբաթից ոչ վաղ երկրորդ Ընդհանուր ժողով է հրաւիրւում, որը կանոնաւոր է համարւում, քանի անգամ էլ որ ներկայ գտնւեն:

§ 22. Ընդհանուր ժողովը բացւում է Վարչութեան նախագահի ձեռքով և այնուհետև ընտրւում է իր համար նախագահ և քարտուղար, բայց ոչ Ընկերութեան պաշտօնավար անձերից:

§ 23. Ընդհանուր ժողովում խնդիրները վճեկու են ձայների պարզ առաւելութեամբ, բացի միայն պատւաւոր անդամ ընտրելու, պահեստի գումարը ծախսելու, անշարժ կալւածք գնելու և ծախսելու, Ընկերութեան Կանոնադրութիւնը փոփոխելու և գործունէութիւնը դադարեցնելու հարցերից, որոնց վճեկու համար պահանջւում է ձայների $\frac{2}{3}$ առաւելութիւն: Ձայների հաւասարութեան դէպքում նախագահի ձայնը առաւելութիւն է տալիս:

Ծանոթ. Ընդհանուր ժողովների քննութեանը թոյլատրւում են այնպիսի խնդիրներ, որոնք անմիջական կապ ունեն Կանոնադրութեան ու

րոշած գործունէութեան հետ և որոնց մասին վաղօրօք ծանուցւած է Ընկերութեան անդամներին:

2. ՊԱՇՏՈՆԱՎԱՐ ԱՆՁԻՆՔ

Ընդհանուր կանոններ

§ 24. Վարչութեան և Մասնաժողովների բոլոր անդամները, նոյնպէս և նրանց բոլոր փոխանդամները ընտրւում են Ընդհանուր ժողովում զաղտնի քւէարկութեամբ ձայների պարզ առաւելութեամբ (կէսից աւելի) երեք տարով, բացի Վերաստուգիչ մասնաժողովի անդամներից և փոխանդամներից, որոնք ընտրւում են մէկ տարով: Վարչութեան և խմբագրական մասնաժողովի կազմից ամեն տարի դուրս է գնում անդամների և փոխանդամների ¹/₃-ը, սկզբում վիճակով, իսկ յետոյ ընտրութեան ժամանակի համեմատ: Դուրս գնացողները կարող են կրկին ընտրւել:

§ 25. Վարչութեան և Մասնաժողովների անդամների թւի համեմատ ընտրւում է ամեն երկու պաշտօնավարին մի մի փոխանդամ, որ փոխարինում է պաշտօնավար անձին նրա մահւան, պաշտօնից հրաժարւելու, տեւական հիւանդութեան կամ քաղաքից բացակայիւղ ղէպքում:

§ 26. Բոլոր ընտրովի պաշտօնները կատարւում են ձրի. բայց եթէ Ընկերութեան գործունէութիւնն ընդարձակւի, Ընդհանուր ժողովին է թողնւում այս կամ այն պաշտօնավար անձին առանձին վարձատրութիւն նշանակել, բայց միայն՝ ընտրութիւնները կատարելուց առաջ:

§ 27. Վարչութեան և Մասնաժողովների նիստերը համարւում են օրինաւոր, երբ ներկայ են անդամների կէսից աւելին:

Ա.) ՎԱՐՉՈՒԹԻՒՆ

§ 28. Վարչութիւնը գտնւում է Թիֆլիսում և կազմւած է 9 կամ 11 անդամից, որոնք իրենց միջից ընտրւում են նախագահ, փոխնախագահ, քարտուղար և գանձապահ:

§ 29. Վարչութիւնը կարող է իր միջից ընտրել յատուկ անձինք կամ յատուկ ենթաժողովներ, անմիջական հոգացողութիւն ունենալու, Վարչութեան ցուցումների համեմատ, գրքերի տպագրութեան և գրավաճառութեան մասին:

§ 30. Վարչութիւնը վարում է Ընկերութեան տնտեսական մասը, պահում է դրամական հաշիւները, հրատարակում է խմբագրական մասնաժողովից հաւանութիւն գտած գրքերը, կազմակերպում է գրավաճառութիւնը, Ընդհանուր

ժողովին ներկայացնելու համար պատրաստում է տարեկան ընդհանուր հաշիւ Ընկերութեան նախընթաց տարւայ գործունէութեան և գումարների դրութեան մասին և առաջիկայ տարւայ ծախքի նախահաշիւը, ընդունում է մշտական և իսկական անդամներ և ընտրում է գործակից անդամներ, ըննում է առանձին անդամների առաջարկներն ու հարցապնդումները և 20 անդամի գրաւոր պահանջամբ, մի ամսից ոչ ուշ, այդ առաջարկները ներկայացնում է Ընդհանուր ժողովի ըննութեանը իր եզրակացութեան հետ միասին, նշանակում է և արձակում Ընկերութեան հաստատութիւնների մէջ վարձով, ծառայողներին և ուժիկ է նշանակում նրանց, յարաբերութիւն է պահպանում Ընկերութեան ճիւղերի հետ, ղեկավարում և միացնում է Ընկերութեան գործունէութիւնը, Ընկերութեան անունից յարաբերութեան մէջ է մտնում հաստատութիւնների և անձանց հետ, պաշտպանում է Ընկերութեան շահերը, իրրև իրաւական անձ, դատարանի առաջ և առհասարակ ուր որ հարկն է:

§ 31. Վարչութեան նախագահը հսկում է այս Կանոնադրութեան և Ընդհանուր ժողովի, Վարչութեան և Խմբագրական մասնաժողովի որոշումների ճիշտ կատարման, հրաւիրում է Ընհանուր ժողովներ և Վարչութեան նիստեր: Նրա

բացակայութեան ժամանակ նրա պարտականութիւնները կատարում է փոխ-նախագահը:

§ 32. Վարչութեան քարտուղարը պատրաստում է Վարչութեան արձանագրութիւնները, կառավարում է ամբողջ գիւտնատունը և պահում է Ընկերութեան դիւանը:

§ 33. Վարչութեան գանձապահը վարում է Ընկերութեան դրամարկղը, ծախսեր է անում Վարչութեան որոշումների համեմատ, պահում է Ընկերութեան դրամական վաւերաթղթերն ու արժէթղթերը, պատասխանում է Ընկերութեան գումարների ապահովութեան համար և հսկում է հաշւապահութեան կանոնաւոր ընթացքին:

§ 34. Ընթացիկ ծախսերի համար գանձապահը կարող է իր մօտ ունենալ մինչև հարիւր բութի, իսկ Ընկերութեան ֆնացած գումարները պահում են տեղական դրամատներից մէկում ըստ Վարչութեան որոշման:

Բ) ԽՄԲԱՆԻՐԱԿԱՆ ՄԱՍՆԱԺՈՂՈՎ

§ 35. Խմբագրական մասնաժողովը կազմւած է եօթը կամ ինն անդամից:

Ծանօթ. Ընդհանուր ժողովը կարող է ընտրել, բացի ընդհանուր Խմբագրական մասնաժողովից, նաև յատուկ մասնաժողովներ՝ օրինակ,

ժողովրդական կամ մանկական
ևն գրքեր հրատարակելու նպա-
տակով:

§ 36. Խմբագրական մասնաժողովը ընտրում
է իր միջից նախագահ, փոխնախագահ և քար-
տուղար:

§ 37. Խմբագրական մասնաժողովը ա) ընտ-
րում է տպագրելիք գրքերը, բ) յայտարարում
է մրցանակաբաշխութեան նիւթեր և մրցանակներ
է նշանակում ներկայացրած լաւագոյն աշխատու-
թիւններին համար. գ) որոշում է հեղինակներին
կամ թարգմանիչներին տալիք վարձատրութեան
չափը, Վարչութեան հետ միասին Խառը ժողո-
վում սահմանած սակագնով. դ) պատրաստում է
նախընթաց տարւայ իր գործունէութեան հաշիւը
և իր առաջարկութիւնները առաջիկայ տարւայ հա-
մար, Վարչութեան միջոցով Ընդհանուր ժողովին
ներկայացնելու համար: Առանց Խմբագրական
մասնաժողովի որոշման, ոչ մի գիրք չի կարող
տպւել:

Ծանօթ. Մրցանակաբաշխութեան համար
կարող են կազմել առանձին
Յանձնախմբեր Խմբագրական
մասնաժողովի ներկայացուցիչնե-
րից և կողմնակի մասնագէտ-ան-
ձերից, Խմբագրական մասնաժո-
ղովի ընտրութեամբ:

§ 38. Խմբագրական Մասնաժողովի նախա-
գահը մասնակցում է Վարչութեան նիստերին
խորհրդակցական ձայնով:

ԽԱՌԷ ԺՈՂՈՎՆԵՐ

§ 39. Հեղինակներին և թարգմանիչներին տա-
լիք վարձատրութեան սակագին որոշելու և այն տա-
րածայնութիւնները վերացնելու համար, որ տեղի
են ունենում Վարչութեան և Խմբագրական մաս-
նաժողովի մէջ, Վարչութեան նախագահը հրաւի-
րում է Խառն ժողովներ Վարչութեան և Խըմ-
բագրական մասնաժողովի անդամներից: Ներկայ
հղոյնների պարզ մեծամասնութեամբ ընդունւած
որոշումները պարտաւորական են թէ՛ Վարչութեան
և թէ՛ Մասնաժողովի համար:

§ 40. Խառն ժողովում նախագահում է
Վարչութեան նախագահը:

Գ) ՎԵՐԱՍՏՈՒԳԻՉ ՄԱՍՆԱԺՈՂՈՎ

§ 41. Վերաստուգիչ մասնաժողովը ընտրում
է մէկ տարով առնւազն երեք անդամից և իր
միջից ընտրում է նախագահ և քարտուղար:

§ 42. Վերաստուգիչ Մասնաժողովն իրաւունք
ունի իրապէս քննելու Վարչութեան և Խմբագրա-
կան մասնաժողովի հաշիւները, ստուգում է Վար-

չութեան նախընթաց տարւայ հաշիւը, նախ-
քան Ընդհանուր ժողովին ներկայացնելը, և այս
հաշիւ մասին իր նկատողութիւնները տանում է
Ընդհանուր ժողովին:

ՏԵՂԱԿԱՆ ՃԻՒՂԵՐ

§ 43. Ընկերութեան տեղական ճիւղերը բաց-
ւում են Կովկասի զանազան վայերում, Ընկերու-
թեան նոյն տեղը դառնող տասն անդամների գրա-
ւոր յայտարարութեամբ, Ընդհանուր ժողովի
հաստատութեամբ և 1906 թւի ընկերութիւնների
և ժողովների մասին մարտի 4-ի օրէնքի 32 յօդ-
ւածի պահանջութեամբ:

§ 44. Ընկերութեան ճիւղերը ա) բացւում են
իրենց վայերում, համապատասխան ղեպքերում
պատշաճաւոր թոյլտուութեամբ և այս առարկային
վերաբերեալ գործող օրէնքների և պետական ա-
ռանձին կարգադրութիւնների պահանջութեամբ,
գրքերի պահեստներ և վաճառանոցներ և կազ-
մակերպւում են գրավաճառութիւնը շրջիկների
և այլ միջոցներով, ինչպէս անկախ կերպով,
նոյնպէս և Ընկերութեան Կենդրոնական Վարչ-
ութեան աջակցութեամբ. բ) հաղորդւում են
Վարչութեան իրենց կարծիքները Ընկերութեան
հրատարակութիւնների մասին: գ) հրատարակում

են իրենց առաջարկած և Կենդրոնական Խմբա-
գրական մասնաժողովի հաւանութիւն ստացած
գրքերը և դ) նպաստում են Ընկերութեան մի-
ջոցների շատանալուն նոր անդամներ գտնելով,
կազմելով իրենց վայերում, ամեն առանձին ղեպ-
քում պատշաճաւոր թոյլտուութեամբ, դասախօսու-
թիւններ, երեկոյթներ և ամեն տեսակ զբարձու-
թիւններ համաձայն Կանոնադրութեան § 14.

§ 45. Տեղական ճիւղերը բոլոր անգամա-
վճարները յանձնում են Կենդրոնական զանձա-
րանին, իսկ մնացած եկամուտները գործադրում
են համաձայն տեղական Ընդհանուր ժողովներից
հաւանութիւն գտած և Կենդրոնական Վարչութեան
միջոցով Կենդրոնական Ընդհանուր ժողովի կող-
մից հաստատւած նախահաշիւների:

§ 46. Կենդրոնական Ընկերութիւնը և նրա
ճիւղերը կարող են փոխադարձաբար օգնել իրար
նիւթականով և այլ կերպ:

§ 47. Ճիւղերը ունեն իրենց Ընդհանուր ժո-
ղովներ, որոնք ընտրւում են տեղական Վարչու-
թիւններ առնւազն երեք անգամից և նոյն թւով
փոխանդամներից, ինչպէս և Վերաստուգիչ մասնա-
ժողով: Վարչութիւնը իր միջից ընտրւում է նա-
խագահ, զանձապահ և քարտուղար: Վարչութեան
նախագահը կարող է մասնակցել Կենդրոնական

Վարչութեան նիստերին իր ճիւղին վերաբերեալ հարցերում ձայնի իրաւունքով:

§ 48. Վարչութիւնը կառավարում է տեղական ճիւղի բոլոր գործերը, գործելով համաձայն այս Կանոնադրութեան § 24—34, առաջարկում է տեղական Ընդհանուր Ժողովի հաւանութեանը նախընթաց տարւայ հաշիւը և առաջիկայ տարւայ նախահաշիւը և նրա հաւանութիւնն առնելով՝ ներկայացնում է Կենդրոնական Վարչութեան միջոցով Կենդրոնական Ընդհանուր Ժողովի հաստատութեանը: Վերաստուգիչ Մասնաժողովը գործում է սոյն Կանոնադրութեան § 41—42 համաձայն:

ԸՆԿԵՐՈՒԹԵԱՆ ԿԱՆՈՆԱԴՐՈՒԹԵԱՆ ՓՈՓՈԽՈՒԹԻՒՆՆ ԵՒ ԳՈՐԾՈՒՆԵՆՈՒԹԵԱՆ ՓԱԿՈՒՄԸ:

§ 49. Այս Կանոնադրութեան մէջ որևէ փոփոխութիւն կատարւում է § 21 և § 23 պահանջներին համեմատ և ներկայացւում է մատեան մուծելու համար սահմանւած օրինական կարգով:

§ 50. Ընկերութեան գործունէութեան դարձման դէպքում, արտակարգ Ընդհանուր Ժողով է հրաւիրւում, որը և որոշում է Ընկերութեան պատկանեալ գոյքը, ամբողջովին կամ մաս-մաս, այս կամ այն հաստատութիւններին յանձնել:



ՀՀ Ազգային գրադարան



NL0296018

23.824

12-4176a

1
2